

## Morning Dogri (NSD) Bulletin 20-03-2024

### आकाशवाणी

- संघ लोक सेवा आयोग यानि यू.पी.एस.सी नै सिविल सेवा प्रारंभिक मतेयान 2024 गी अगड़ा पाई दिता ऐ।
- प्रधानमंत्री नरेंद्र मोदी होर भूटान दी द'ऊं रोजा राजकीय यात्रा पर जाडन।
- लोकपाल नै मोड़त्रा दे खिलाफ शुरूआती तौरा पर जांच च पार्यप्त सबूत होने दी गल्ल आकखी ऐ जेदी गहरी जांच होनी लोड़चदी।
- प्रधानमंत्री मोदी होर भारत मंडपम च स्टार्ट अप महाकुम्भ गी संबोधित करडन।
- बैडमिंटन च लक्ष्य सेन ते पी.वी सिंधू ब्रेसिल च स्विस ओपन टूर्नामेंट दे शुरूआती ध्याड़े अपना अभियान शुरू करडन।

<><><><><><><><>

### UPSC-Exam

संघ लोक सेवा आयोग यू.पी.एस.सी नै 2024 ब'रे दे प्रीलिमिनरी मतेयान अगड़े पाने दा फैसला लैता ऐ। लोक सेवा दा प्रिलिमिनरी मतेयान जेहड़ा जे भारती जंगलात सेवा मतेयान दा स्क्रीनिंग टैस्ट बी होंदा ऐ, हून 16 जून गी होग जेहड़ा पैहले 26 मई गी होना तैह हा। एह फैसला आँदे लोकसभा चुनावं गी ध्यानै च रखदे होई लैता गेआ ऐ।

<><><><><><><><>

## Modi-Bhutan

प्रधानमंत्री नरेंद्र मोदी कल थमां भूटान दी दऊं रोजा राजकीय यात्रा पर जाडन। यात्रा दौरान प्रधानमंत्री भूटान दे राजा, जिंग्ये खेसर नामग्याल बांगचुक ते भूटान ते चौथे राजा जिम्ये बांगचुक हुंदे नै मलाटी करडन। ओह अपने भूटानी समकक्ष शेरिंग टोबगे हुंदे नै बी गल्लबात करडन। विदेश मंत्रालय नै आखेआ ऐ जे यात्रा भारत ते भूटान बश्कार नियमित उच्च स्तरीय आदान-प्रदान दी परंपरा ते सरकार दी गुआंडी पैहले नीति पर जोर देने दे मताबक ऐ। एहदे च आखेआ गेआ ऐ जे भारत ते भूटान इक अनौखी ते टिकाऊ सांझेदारी सांझा करदे न जेड़े आपसी सूझ-बूझ ते सद्भावना दी बुनियाद पर न। विदेश मंत्रालय नै आखेआ ऐ जे सांझा आध्यात्मिक विरासत ते लोकें बश्कार मधुर सरबंध, भारत ते भूटान दे असाधारण रिश्ते च गहराई ते जीवंतता जोड़दे न। एहदे च आखेआ गेआ ऐ जे एह यात्रा दौनें पक्खें दे हितें दे दपक्खिया ते इलाकाई मामलें पर विचारें दा आदान-प्रदान करने ते दौनें मुखें दे लोकें दे फायदें लेई मिसाली सांझेदारी गी बदाने ते रफ्तार देने दे तौर-तरीकें पर सोच-विचार करने दे मौके प्रदान करोग।

<><><><><><><><>

## Lok Pal TMC

लोकपाल नै केश दे बदले पुच्छ-गिच्छ दे मामले च साबका टी.एम.सी सांसद महुआ मोइत्रा खिलाफ केंद्री जांच ब्यूरो थमां जांच दे हुक्म दिते न।

लोकपाल नै अपने आदेश च आखेआ ऐ जे मोड़त्रा दे खिलाफ शुरूआती तौरा पर जांच च पर्याप्त सबूत न जिंदी बरीकी ते गहराई कन्नै जांच करने दी जरूरत ऐ। एह हुक्म भाजपा दे लोकपाल सदस्य निशिकांत दुबे हुंदी शकैत पर फैसला करदे समें आया जेदे च दोष लाया गेआ हा जे मोड़त्रा नै दुबई दे इक बपारी थमां नकदी ते तोहफे दे बदले लोकसभा च सुआल पुच्छे न।

<><><><><><>

### LS-Poll Nitification

लोकसभा चुना दे पैहले गेड़ दे मतदान लेई अधिसूचना कल जारी कीती जाग जेदे तैहत 17 राज्यें ते 4 केंद्र शासित प्रदेशों च 102 लोकसभा सीटें लेई 19 अप्रैल गी वोट पोआए जाडन। इनें 102 सीटें चा 39 तमिल नाडू, 12 राजस्थान, 8 उत्तर प्रदेश, 6 मध्य प्रदेश, 5-5 सीटां उत्तराखंड, असम ते महाराष्ट्र च, 4 बिहार, 3 पच्छिम बंगाल, अरुणाचल प्रदेश, मणिपुर ते मेघालय च 2-2 ते 1-1 सीट छत्तीसगढ़, मिजोरम, नागालैंड, सिक्कम, त्रिपुरा, अंडमान-निकोबार, जम्मू-कश्मीर, लक्षद्वीप ते पुद्दुचेरी च न। 2024 दे लोकसभा चुनांs च कुल 7 गेड़ें च करोआए जा करदे न। वोटें दी गिनतरी 4 जून गी कीती जाग।

<><><><><><>

## PM Startup Mahakumbh

प्रधानमंत्री नरेंद्र मोदी होर दिल्ली दे भारत मंडपम च चला रदे स्टार्ट अप महाकुम्ब गी संबोधित करडन। अपनी इक सोशल मीडिया पोस्ट च श्री मोदी होरें आखेआ ऐ जे एह महकुम्ब इक ऐसा मंच ऐ जेड़ा स्टार्ट अप दी दुनिया कन्ने जुड़े दे लोकें गी नमिएं काड्डें दी सोच रखने आलें ते उद्यमिएं गी निवेशकें कन्ने मिलने दा मौका प्रदान करदी ऐ। अतरूं संगारें शुरू होए दे एह आयोजन अज्ज सम्पन्न होआ रदा ऐ। इस दौरान बक्ख-बक्ख पंडाल लाए गेदे न जिंदे च आर्टिफिशल इंटेलीजेंस, बी.टू.बी, एग्रीटेक, डीपटेक, गेमिंग, फिनटेक ते होर केई क्षेत्रें कन्ने जुड़े दे पंडाल शामिल न जिंदे राएं स्टार्ट अप्स गी अगड़े बधने दे केई सारे मौके उपलब्ध कराए जाई सकदे न।

<><><><><><>

## EC-Post Vote

लोकसभा चुनांस ते चार राज्यें च विधानसभा चुनाएं लेई निर्वाचन आयोग नै जरूरी सेवाएं च कम्म करने आले गैर हाजर मतदाताएं लेई डाक मत पत्र राएं वोट पाने दी सुविधा विशेष श्रेणी अधिसूचित कीती ऐ। इस सूचि च मेट्रो, रेलवे, भारती संचार निगम लिमिटेड, बिजली विभाग, मैहकमा सेहत, फायर ब्रिगेड, डाक सेवा, मैहकमा सेहत, फायर ब्रिगेड, डाक सेवा, हवाबाजी, आपदा प्रबंधन ते मीडिया कर्मचारी शामिल न।

आयोग नै आखेआ ऐ जे लोक प्रतिनिधित्व कन्न 1951 दिऐं बवस्थाएं मुजब सोच विचार करने दे बाद जरूरी सेवाएं च कम्म कने आले लोकें गी डाक मत पत्र राएं वोट पाने लेई अधिसूचित कीता गेआ ऐ।

<><><><><><>

Telangana-Governor

झारखंड दे राज्यपाल सी.पी राधा कृष्णन होर अज्ज बड्डलै तेलंगाना दे राज्यपाल दा ओहदा साम्भगन। राष्ट्रपति द्रौपदी मुर्मू होरें गी तेलंगाना दे राज्यपाल दी बाद्दू जिम्मेदारी सौंपी ऐ। तेलंगाना दिऐं राज्यपाल ते पुदुचेरी दी उपराज्यपाल डाक्टर तमिली साई सौंदरराजन होरें दऊं रोज पैहले इस्तीफा दिता हा। राधा कृष्णन होर पुदुचेरी दे उपराज्यपाल दा बाद्दू कम्मकाज बी दिक्खडन। राज्य हाई कोर्ट दे चीफ जस्टिस आलोक अराधे हैदराबाद दे राजभवन च उनेंगी ओहदे ते राजदारी दी सगंध चुकांगन।

<><><><><><>

Direct Tax Collection

चालू माली बरे च परतक्ख यानि डरैक्ट टैक्स दी कुल वसूली च 18 इशारिया 7-4 प्रतिशत दा बाद्दा दर्ज कीता गेआ ऐ। खजाना मंत्रालय मुजब इस दौरान 22 लक्ख 27 जहार करोड़ रपे कोला मते दा कुल परतक्ख टैक्स जमा होआ ऐ जेड़ा माली बरे 2022723 दी इस अवधि दे 18 लक्ख 75 जहार करोड़ रपे कोला मता ऐ।

कुल परतकख टैक्स च निगम कर, व्यक्तिगत आयकर, प्रतिभूति लैन-देन ते होर दुए टैक्स शामिल न। जमा निगम कर पिछली बारी कोला 10 लकख 98 जहार करोड़ मता ऐ। प्रतिभूति लैन देन समेत व्यक्तिगत कर दी कलेक्शन 11 लकख 25 जहार रपे मती ऐ जिसले जे जमा एडवांस टैक्स 9 लकख 11 जहार करोड़ रपे कोला मता हा।

<><><><><><>

Banminton

स्विस ओपन बैडमिंटन च भारत दी गायत्री गोपीचंदा ते त्रीसा जाली जंदी रातीं स्वित्जरलैंड दे बेसल च सेंट जैक बशैल एरेना च महिला युगल वर्ग दे प्री-क्वार्टर फाइनल च पुज्जी गेइयां न। उनें केरी जू ते एनी जू दी अमेरिकी जोड़ी गी 21-15, 21-12 कन्नै हराया। अज्ज लक्ष्य सेन, पी.वी सिंधू, किदांबी श्रीकांत, किरण जार्ज, प्रियांशु राजावत ते होर दुए ख्याती प्राप्त खडारी बी.डब्ल्यू.एफ सुपर 300 इवेंट च अपने अभियान दी शुरूआत करडन। इस बश्कार शीर्ष भारती खडारी लक्ष्य सेन, फ्रेंच ओपन ते प्रतिष्ठित आल इंग्लैंड ओपन च अपने शानदार प्रदर्शन दे दम पर पुरुश एकल वर्ग च 5 पायदान चढ़िये दुनिया दे 13में नंबर पर पुज्जी गेन।

<><><><><><>